

Renaissance Aruba Resort ta ricibi EarthCheck Silver Certificate

Riba dia 22 di April ultimo a celebra dia di Mama Tera, esaki a haya aun mas tanto nificacion pa Renaissance Aruba Resort & Casino na momento cu nan a ricibi un EarthCheck Silver Certificate pa nan esfuersonan ambiental. E status aki ta wordo alcanza dor di un empresa cu continuamente ta busca maneranan pa mehora den e practica 'berde' y cu den forma sostenibel ta trece cambio cu a largo plaso ta duna resultadonan beneficoso pa e empresa.

EarthCheck ta representa e generacion nobo den evaluacion comparativo (benchmarking), certificacion y mehoracion den sistemanan cu ta asisti den prac-

ticanan sostenibel pa cu industria turistico internacional. Na mes momento EarthCheck ta ofrece un sistema di certificacion cu ta responde directamente na e problematica mayor den medioambiente global. Esaki ta inclui e 'greenhouse effect', mal uzo di awa, destruccion di biodiversidad y produccion di sushi biologico.

Un certificacion zilver, tin un balor agrega na e practicanan cu ya caba Renaissance Aruba Resort & Casino tin pa contribui na medioambiente. Por haci mencion di panelnan solar cu ta wordo uza, maneho di residuo/ sushi y varios otro practica cu ta ser pidi serca e huesped y em-



pleado. Tur esaki a contribui na e certificacion di Renaissance Aruba Resort & Casino den categoria zilver di EarthCheck. Di acuerdo cu maneho di e hotel, "Nos ta masha contento di por ricibi e reconocimiento aki, e ta corona tur esfuerso cu nos ta haci riba nivel ambiental. Ade-

mas di esaki e ta un motivacion pa tur colega; e compromiso cu nos tin cu e practicanan na beneficio di medioambiente ta dunando bon resultado. Un EarthCheck Silver Certificate sigur ta prueba di dedicacion y disciplina di tur cu ta labora na nos empresanan".